

## متعلقش

هتفهم إمتى يا عبيط إنت  
 إن إنت بس اللي باقيلك  
 وهتغرق قدامهم بردو  
 ودراعك وحده اللي يشيلك  
 كام واحد منهم كان قالك  
 هيكون جنبك  
 قبل ما هتشاور هيجيلك  
 ويقول مواويل ويغنيك  
 ويضحك على قلبك بيهم  
 ف تحس ساعتها إنه حبيك  
 وف أول لحظة بيان ضعفك  
 هيقوى عليك وهيسيبك  
 فإتعود بس متعلقش

وعود قلبك ميصدقش  
ميتعودش على وجود حد  
هيصير الكل فراغ شفاف  
في وقت الجد  
ولو خبت وحببت قلب  
وقالك قد أيه حبك  
وحتى ساعتها إن جالك  
قوله الحب مش للوصف  
سيبني أشوفه في أفعالك  
ف وقفة بجد وقت الجد  
وسندة لحيطتي لو مالت  
ف كوكنك شمس وقت البرد  
حلمت كتير  
خلاص بقى فوق

---

ووصل الحلم للطيران  
وطرت لفوق  
لقيته ضباب  
مفيش لك شمس  
هتفضل وحدك البردان  
صويتك كله يخرج همس  
كلوحة سرقوا منها الألوان  
وضحكة باهتة فوق الخد  
فكونلك كل شئ جايز  
متحتاجش ساعتها لحد